

MONUMENTO

18 DI MAART

Diario 19-3-'92

ORANJESTAD(AAN)-- Recientemente sra. M.S.F. Wever-Lacle voorzitter di "fundacion 18 di Maart, a duna un amplio informacion durante un reuda di prensa teni ayera.

Tambe tabata presente, sr. Gusman Croes Secretario di e fundacion, Capeis Lacle (tesorero), sr. Chinto Erasmus (vice presidente di e fundacion), sr. Rudolfo Oduber (miembro), sr. Carlos Odor (miembro) tambe tin mas miembro pero cu no tabata presente ayera pamotibonan di trabao no por tabata presente.

E mainta di ayera tabataa sumamente especial pa e fundacion y msaha emocionante pa motibo cu e fundacion a cuminsa realiza parti di e plannan.

Ayera mianta 9'or e fundacion 18 di Maart, a entrega na Sr. Adonus di Domeinbeheer un peticion pa por a haya un pida tereno den Wilhelmina Park.

E fundacion a keda masha contento cu Sr. Adonus a priminti cu el a haci tur esfuerso pa por a realiza e plan y cu e tereno ey por a bira nan soño.

E monumento 18 di Maart ta bin den Wilhelmina Park, y lo bay ta net Noordwest di e statua di Reina Wilhelmina.

E motibo cu a scohe e stio ey, ta pa varios razonnan entre otro bo ta haya e edificio di Museo, y tur rond tin edificionan conoci importante gybernamental y pesey a pensa di consolida y concentra tur cos hunto den e mesun aria.

Tin por ehempel e Fortzoutman, bay un tiki pabao e oficina di Gobernador, despues bo ta haya Censo, Parlamento di Aruba, Gobernacion di Aruba, Reina Wilhelmina, Cas di Gobernador y asina tin hopi historia valioso den e aria.

E fundacion ta spera sinceramente ora cu e peticion yega na e ministro concerni cu esaki tambe duna tur su cooperacion pa cual no tin ningun duda den dje, pamotibo aki e Monumento 18 di Maart ta pa reconoce tur esnan cu a contribui na un of otro manera pa Aruba por a

yega na su Status Aperte.

Manera tur hende sa cu 18 di Maart ta un fecha masha importante pa nos isla di Aruba, pamotibo cu dia 18 di Maart Difunto Shon A Eman a entrega e mocion pa Aruba a haya su Autonomia.

Tambe Lider Difunto Betico Croes a usa e mesun fecha aki pa tambe introduci nos Himno y Bandera y pesey e Fundacion 18 di Maart a nace cu un solo meta pa reconoce tur esnan sin ningun razon politico partidario pasobra nan ta un fundacion NO Politico, nan ta reconoce tur persona cu a traha na realisacion di nos Status Aperte.

Awe nochi pa 6'or na Tele Aruba lo bay tin un programa masha extenso cu historia di cuminzamento te na 1986 caminda Aruba a haya su Status Aperte.

Na final di e conferencia di Prensa, Sra. Wever-Lacle a duna un splicacion di e Monumento esta cu e lo bay bira algo masha bunita mes.

E lo bay bira un Monumento di 10 Meter di haltura y ta algo cu lo enbeyece masha hopi mes e aria den Wilhelmina park.

Den e canal cu por ser mira riba e foto, esta den e centro lo bini un elevacion caminda ey riba lo bini Busto di personanan cu a traha na e realisacion di e Status Aperte.

E diseño cu por ser mira, a worde traha pa Cecon Architecto Bureau.

E promer piedra lo por ser poni pronte, pero tur cos ta keda di e contesta di e ministro concerni pa cu e proyecto aki.

E construccion lo bay dura basta tempo, pero lo bay mira si por acelere cu pa otro aña por ta cla cu e edificio 18 di Maart.

E calculacion di e proyecto segun por a compronde for di sra. Wever-Lacle cu lo bay pasa over di 1 miyon Florin.